



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauensium, ac Brixinensium

**Hund, Wiguleus**

**Monachii, 1620**

Epistola Gregorij VII ad Altmannum sic habet.

**urn:nbn:de:hbz:466:1-13553**

bertum sanctæ Pataviensis Ecclesiæ Episcopum venerabilem Episcopij sui traditiones aliquot nostræ celsitudini obtulisse, obsecrantem, ut ex his nobis innotesceret quod regum & Imperatorum magnificentia Ecclesiæ contulisset suæ & idem renouationis nostræ autoritas roboraret; Cuius nos iustæ petitioni non solum fidelis seruitij sui assiduitate commoiti, sed & dilecti nostri magistri Annonis Coloniensis Archiepiscopi cæterorumque fidelium nostrorum precibus sollicitati pium assensum præbuimus, & curtas, Ecclesias, villas, & omnia prædia cū suis pertinentiis à regibus vel Imperatoribus, aut ab aliis religiosi viris vel feminis sanctæ Pataviensis Ecclesiæ tradita. Insuper etiam specialiter Abbacias Chrembsmünster, MATESEO cum prædio nomine Huni-sperg, capellam Ottingam, & curtam Rvute, & villam Vffchusen quemadmodum eandem Adalbertus eiusdem sanctæ Ecclesiæ Pataviensis Episcopus pro Anesburg sanctæ Laureacensi Ecclesiæ iustè & legaliter in concambium accepit & possedit, & in Osterliche in loco qui Kirchpach territorium quoddam cum Ecclesia, quæ ad radices Comageni, prædia quædam in Comitatu Ernesti Marchionis sita Govvozbrunnem & Paumgarten ac Chrubat dicta, quæ dilectus noster genitor piæ memoriæ Henricus Imperator Augustus eidem Pataviensi Ecclesiæ, Imperiali autoritate tradidit, cum omnibus ad eadem pertinentibus, hoc est, vtriusque sexus mancipiis, Ecclesiis, villis, arcibus, cultis, & incultis, agris, pratis, campis, piscuis, syluis, venationibus, aquis, aquarumque decursibus, piscationibus, molis, molendinis, viis & iniuis, exitibus & redditibus, quasitis & inquirendis, cunctisque aliis appendiciis, quæ dici non possunt, donatio hoc nouo sanctæ sancti Stephani Protomartyris Christi, in qua & sanctus Valentinus Confessor, corporaliter requiescit, prouisorumque eius potestati, & æternaliter possidenda regali nostra autoritate donamus, corroboramus atque confirmamus. Et ut hæc nostra confirmatio stabilis & inconuulsa omni permaneat æuo, hanc chartam inde conscribi, manuque propria, ut subtus ceratur, corroborauimus, sigilli nostri impressione iussimus insigniri. Signum Domini Henrici quarti regis; Fridericus Cancellarius vice Sigefridi recog. Datum VIII. Kal. Nouembr. Anno Domini: Incarnationis M. LXXIII. Indiæ. II. Anno autem ordinationis domini Henrici quarti regis IX. regni verò VII. Actum Ratisponæ in Dei nomine Amen.

*Altmannum hunc Paulus Bernrieden. in vita Gregorij VII. Pont. Max. ( pag. 73. ) commemorat, contra Simoniacos veritatis assertorem intra Germaniæ Episcopos, his verbis: , Habent etiam complures ex vltimontanis partibus, Vdo Treuirensis, & Hermannus Metensis, Altmannus Pataviensis vel Lauriacensis, Adclbero Wirzburgen. Hugo Diensis &c.*

*Epistola Gregorij VII. ad Altmannum sic habet.*

Gregorius Episcopus seruus seruorum Dei, dilecto in Christo fratri A. . . *Almanno* Pataviensi Episcopo, salutem & Apostolicam benedictionem. Quia vicem nostram in Teutonicis partibus prudentiæ tuæ commisimus, discretionem tuam diligenter monemus, sicut iam aliis literis ad te destinatis ( si peruenerint ) fecimus, ut consilio fratris nostri Salsburgensis Archiepiscopi, & aliorum confratrum nostrorum Episcoporum eos quos adhaerendo H. . . à proposito veritatis errasse cognoscitis, studiosè reuocetis: & qui redire voluerint, fraternè suscipiatis, & maxime Osnaburgensem Episcopum, quem nobis velle fideliter adherere audiuius, benignè suscipiatis, & fraterno auxilio contra quâ-

libet iniuriam inferendam ei occurrere ubi opportunum fuerit, non hæsitetis, & litem quam de decimatione Ecclesiæ suæ habet cum Corbegenſe abbate, vel iuste antè vos terminare, aut absq; latione suæ Ecclesiæ certum tempus ipsius ante nos terminandæ ex utraq; parte statuite vale.

*Diploma Henrici IV. Altmanno Episcopo concessum.*

**I**N nomine sanctæ & indiuiduæ Trinitatis. Hainricus diuina fauente clementia Rex. Sanctæ Dei Ecclesiæ profectui tantò diligentius providere debemus, quantò excellentius ex dominico munere sublati sumus. Quapropter omnibus Christi nostrisque fidelibus tam presentibus quam futuris notum esse volumus, qualiter nos pro amore diuino animæque patris nostri remedio, Pataviensi Ecclesiæ in honore S. Stephani constructæ & consecratæ, ob interuentum ac petitionem matris nostræ Agnetis Imperatricis Augustæ, instinctu quoque Berthæ reginæ, regni thoriq; nostri consortis, dilectissimi etiam Gebhardi Saltsburgensis Archipræsulis, & Eppanis Neuburgensis Episcopi, nec non ob fidele meritum Altmanni præfatæ sedis antistitis, villam quandam Tyefnsfurt dictam, & transitum ipsius fluminis quod dicitur Maracha, & infra hæc loca, Paumgartn, Stupherich, Modzulla, quod est prædium Arnesti Marchionis, quinquaginta regales mansos, in pago Austriæ, in marchia Arnesti marchionis sitas, cum omnibus appendicijs suis, hoc est, vtriusque sexus mancipijs, vineis, agris, pratis, pascuis, campis, siluis, venationibus, forestis, forestarijs, arcis, ædificijs, Ecclesijs, terris, piscationibus, exitibus, & redditibus, vijs & inuijs, mercatis, telonijs, monetis, quæstis & inquirendis, omnique vtilitate in proprium dedimus, confirmauimus, iure perpetuo obtinendum concessimus, ea ratione, vt nullus successorum meorum Imperator siue rex, dux, marchio, comes, aut alia maior aut minor persona iudicialis, præfatæ Ecclesiæ bona prænominata auferre aut alienare præsumat, & villo modo inquietare. Sed prænominatus Altmannus Episcopus, eiusdemque successores, liberam inde habeant potestatem tenendi, precariandi, commutandi, vel quidquid ad vtilitatem eiusdem Ecclesiæ voluerint, faciendi. Et vt hæc regalis traditio nostra stabilis & inconuulsa permaneat omni æuo, hanc chartam conscribi, manuque propria corroborans sigilli nostri impressione iussimus insigniri. Signum domini Henrici quarti regis. Sigehardus Cancellarius, vice Godefridi vicecancellarij recognoui. Datum secundo nonas Martij. Anno Domini M L X V I I, indictione prima: anno autem ordinationis domini Henrici quarti regis decimo quinto, regni verò vndecimo. Actum Ratisbonæ in Dei nomine feliciter.

*In alio Catalogo Pataviens. Episcoporum. Tricesimus septimus numeratur hic Altmannus eiusq; vita sic descripta legitur.*

Altmannus Westphalus ex Saxonia claris parentibus editus, & vt in perueteri Chronica habetur, vltimus ex celebri ac perueteri Putinensium Ducum (qui in Austria quidem vixerunt, sed in Saxoniæ & Westphaliæ principum aulis seruierunt) genere, diuinis ac secularibus literis apprime eruditus, & apud Paderbornen. Episcopatum in Westphalia canonicus fuit, & Scholasticus. Deinde Aquisgrani Canonicus & Præpositus. Addunt etiam aliqui Coloniae Canonicum & præpositum fuisse, quo tempore etiam in palatio Henrici tertij Capellanus Cæsarum claruit. Quo defuncto Altmannus Imperatrici Agneti fidei adhæsit obsequio, cum qua Pataviam venit, eo tempore, quo Egil-